



Sámi
allaskuvla

Oahppoplána

Árbevirolaš duoji bajásdoallan ja ealáskahttin

DUO-1014

20 oahppočuoggá



1. Oahpu namma

Sámegillii: Árbevirolaš duoji bajásdoallan ja ealáskahttin
Dárogillii: Tradisjonell duodji og dens kontinuitet og revitalisering
Eanjalasgillii: Traditional Duodji, Continuity and Revitalization

2. Oppalaš dieđut oahpu birra

Oahpu koda: DUO-1014
Dássi: Bachelor, vuodđooahppu
Viidodat: 20 oahppočuoggá
Galli lohkanbaji badjel: 1
Oahpu lágideapmi: Neahttadoarjjaoahpahas: Oahpus leat sihke fysalaš deaivvadeamit Sámi allaskuvllas ja neahttaoahpahas. Logaldallamiidda lea vejolaš oassálastit neahta bokte, muhto hárbjehusat ja bargobájit gáibidit fysalaš searvama.
Fágalaš latnjalasvuohta: Oahppu vástida fágalaččat DUO 104 Árbevirolaš duoji bajásdoallan ja ealáskahttin (15 oč), DUO-1014 Árbevirolaš duoji bajásdoallan ja ealáskahttin (15 oč) ja DUO 122 Aerpieviekien vætnam vaarjelidh jih jealajehtedh studijesoekjesje (15 oč) oahpuid.

3. Oahpu gullelašvuohta

Oahppu lea geatnegahtton duodjefágalaš vuodđooahppu Duoji ja hábmema bachelorprográmmas. Dat sáhtta leat maiddá doarjjafágan dahje válljenfágan eará bachelorprográmmain dahje eará oahpuin.

4. Sisabeassangáibádusat

- Dábalaš sisabeassangáibádusat alitohppui. Sisabeassanvuodđu sáhtta leat juogo oppalaš lohangelbbolašvuohta (čađahan joatkkaskuvlla/logahaga/gymnása) dahje reálagelbbolašvuohta. Oppalaš lohangelbbolašvuođa gáibádusat olgoriikkaohcciide bohtet ovdan GSU-listtus. Go oahppu lágiduvvo sámegillii, de olgoriikkaohcciide ii gusto dárogielagáibádus, vrd. Forskrift om opptak til høgare utdanning § 2-2 (6).
- Sámegielmáhttu.
- Duodje-, dáidda- dahje hábmengelbbolašvuohta

Sámegiela gáibádusa sáhtta deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan 2, Suoma logahagas eatnigielladutkkus dahje lohkan sámegiela vierrogiellan ja Ruota gymnásas eatnigiellan (modersmål 200 čuoggá) dahje odđaaigásaš giellan (moderna språk 200-300 čuoggá) dahje vástideaddji sámegieloahppu doaibmi njuolggadusaid mielde. Sámegiela

gáibádusa sáhtta maid deavdit sámegeiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida.

Duodje-, dáidda- dahje hábmengelbbolašvuoda gáibádusa sáhtta duodaštit čuovvovaš vugiid mielde: Norgga joatkkaskuvllas čađahan duodje-, dáidda- dahje hábmenoahpu, Suomas duodje-, dáidda- dahje hábmensuorggi artesánaoahpu, Ruota gymnásas čađahan estehtalaš- dahje sámeprógrámma. Duodje-, dáidda- dahje hábmengelbbolašvuoda sáhtta maiddái deavdit jus lea maŋŋel joatkkaskuvlla čađahan unnimusat jagi duodje-, dáidda- dahje hábmensuorggi oahpu ámmáskuvllas dahje fágaskuvllas, dahje universitehta- ja allaskuvladásis čađahan unnimusat 15 oahppočuoggá duodje-, dáidda- dahje hábmensuorggi oahpu.

Jus ohccis ii leat formála gelbbolašvuodta fágasuorggis, de sáhtta ohcci maiddái duodaštit duodje-, dáidda- dahje hábmenfágalaš gelbbolašvuodta iežas bargguid bokte. Dasto galgá juogo sáddet sisa ja oažžut dohkkehuvvot:

- Govat mat čájehit unnimusat vihtta duoji, dahje
- 2-3 duodje-, hábmen dahje dáiddalaš proševtta, mat čujuhit kreatiivvalaš proseassaide, ovdamearkka dihtii portfolio

Dárbbu mielde ovddiduvvo gelbbolašvuodta meroštallan fágalaš árvoštallamii ja meannuduvvo dán vuodul. Sáhtta nai čađahuvvot ságastallan duodjegelbbolašvuodta árvoštallama doarjjan.

5. Oahpahus- ja eksámengiella

Váldo oahpahusgiella lea davvisámegeiella. Jus oassi logaldallamiin lea eará sámegeielaide, dáro- dahje ruotagillii, de dat dulkojuvvo dárbbu mielde. Jus logaldallamat leat eanjalasgillii, dat eai dulkojuvvo. Eará sámegeilat studeanttaide geahččalit láchit dili nu ahte sii sáhttet čállit bargguid ja oažžut oasi bagadallamis iežaset sámegeillii.

6. Sisdoallu

Oahpus vuojulduvvat dasa, mo plánet, duddjot ja gaskkustit duoji. Oahppu fállá praktihkalaš ja teorehtalaš dieđu, mainna studeanta čiekŋuda ja viiddida iežas duodječehppodaga ja áddejumi. Oahpus ávkástallat čuolmmaidčoavdinmetodaiguin, mat fáallet studentii reaidduid plánemii, hábmemii ja duddjomii. Oahpahus čiekŋuda duodjeárbevirrui ja dan bajásdoallamii ja ealáskahttimii. Studeanta sáhtta iežas beroštumi mielde válljet dipma- dahje garraduoji suorggi.

7. Oahppanjoksosat

Maŋŋel čađahuvvon oahpu lea studeanta olahán čuovvovaš oahppanjoksosiid:

Diehtu:

Studeanta

- dovdá relevánta fágalaš čuolmmaid
- diehtá movt háhkat dieđu árbevirolaš dujiin
- dovdá duoji mearkkašumi kultuvrralaš suvdilisvuodas
- dovdá duodjái guoski árbevirolaš dieđu
- diehtá movt vurkkodit ja seilluhit dujiid.

Máhttu:

Studeanta

- máhtttá árvvoštallat ja ákkastallat bargovugiid ja ávnnasválljemiid
- máhtttá čoavdit čuolmmaid ja buvttadit evttohusaid plánedettiin
- máhtttá duddjot árbevirolaš dujiid
- máhtttá ovdanbuktit iežas duodjeahtanuššama dujiid ja portofolio dahje eará gaskkustanvuogi bokte
- máhtttá geavahit digitála ovdanbuktin reaidduid oassin iežas ovdanbuktimis.

Oppalaš gelbbolašvuohta:

Studeanta

- máhtttá plánet ja čadahit bargguid ja proševttaid
- máhtttá ságastallat fágabirrasis, ja nu leat mielde ovddideamen buriid fágalaš čovdosiid
- máhtttá gaskkustit fágalaš čuolmmaid ja bohtosiid sihke čálalaččat, njálmmálaččat ja eará relevánta ovdanbuktinvuogiiguin
- máhtttá ságastallat teorehtalaččat gažaldagain, mat gusket duodjeárbevieruid bajásdoallama ja ealáskahttima.

8. Oahpahan- ja oahppanvuogit

Bargobájit, logaldallamat, lohkanmeari lohkan, hárbjehusat ja bagadallamat.

9. Gáibádusat beassat eksámenii

Ovdal beassá eksámenii, galgá studeanta:

- Dahkat guokte duoji ja portofolio mas leat čuovvovaš barggut:
 1. Čilgehus vuosttaš duoji dieđuid háhkamis, plánemis ja bargoproseassas.
 2. Čilgehus nuppi duoji dieđuid háhkamis, plánemis ja bargoproseassas.

Fágaoahpaheaddji dohkkeha gáibádusaid beassat eksámenii.

10. Eksámen

Portfolioeksámen mas leat geatnegahtton barggut oassin. Dasa lassin galgá portfolioi čállit teorehtalaš refleksuvdnačállosa iežas ovdáneamis oahppanjoksosiid ektui. Eksámen árvvoštallojuvvo oktan bargun.

Árvosánit addojuvvojit ECTS vuogádaga mielde, mas A lea buoremus árvosátni ja E lea vuolemus ceavzinárvosátni. F árvosátni mearkkaša ahte ii leat ceavzán.

11. Leago privatisttain vejolaš váldit dan oahpu?

Ii leat

12. Kvalitehtasihkkarastin

Čujuhuvvo Sámi allaskuvlla kvalitehtasihkkarastinvuogádahkii ja dasa makkár vejolašvuodát ja geatnegasvuodát studeanttain leat árvvoštallat Sámi allaskuvlla oahppofálaldagaid ja bálvalusaid kvalitehta. Studeanttain lea geatnegasvuoha searvat árvvoštallamiidda mat leat oassin kvalitehtasihkkarastinvuogádagas.